

寄庵詩文鈔

寄菴詩鈔續附卷四 巳卯

雲南劉大紳

元日海天閣看梅花同何旭園戴雲帆池齋庭分

賦得且字

游戲香雪海我輩競風雅何意昆華間更有如此者傑
閣快登覽高高與下下地力久承載天工屢陶冶樹株
難動移欣羨絕市買此如衆賢人奇材萃草野氣類苟
不孤何至賞識寡 盛明有遇合夢卜豈苟且慰梅
復共慰中懷實瀟灑翻笑前日間猶是漫取舍

第二流人物今日盡可捨今日是元日大造不輕假若

寄菴詩鈔續

非賦梅花無能適騷雅不到海天閣仍屬位置下感謝
前輩人採擇馨草野培植成名園畫圖見亦寡杖履難
輕來心神願藏寫夜夜隨仙人樹樹飛玉笋滿面香風
吹滿地香雪灑更無凡草木足當顧盼者區區驢背間
詩思尙聊且如何耳爲目猶說舊坑冶

答別李秀夫

高堂拜家慶一室春風吹樂事更無比遠道安足辭學
者學忠孝省親當及時如子卽不歸行裝猶勸治豈有
立歧路告語姑遲遲

去年古梅花今年香未殘一路微微風不獨迎雕鞍客

子破岑寂時著雙眼看到家出詩卷爲親加夕餐野花
與村酒知不堪盤桓珍重再相見五華歲月寬

蛻園遺梅

環山草木半樵蘇老樹當門不敢鉏萬里撐持風雅並
千秋呵護鬼神俱春猶未到香何早月尚遲來影自孤
合向隴頭揖高士非君得有此梅無

有此樓歌

李生李生爾何不驅役海神鞭石填海中指揮龍伯大
人如兒童釣竿直下滄溟東引出十二巨鼈置平地坐
使三山流轉飄若蓬然後約五丁從娥女收拾虛無縹

緲金銀宮安放卽園隙地撐晴空大木不斧鑿巨石不磨礪金碧丹砂泥土同圖畫梁棟填青紅斗然危樓傑閣氣象凌鴻濛班倅駭視拜下風章華虎所退讓神鬼工千金買賦少陳后百金諛墓非韓公胡爲乎茅廬嫌隘幕門窄瓊圃璇室爭玲瓏百日勞瘁一朝崇隆卷石太華勺水昆明自顧此身七尺高龍從廿八星辰摘如斗萬里雲漢飛長虹晨烏夕兔瞳矇復矇矇天帝呼吸潛相通奚翅筆陣雲黑墨池水泔沓不知儒誰鉅而生誰鴻使我到此徒見鬱鬱復葱葱人問何處更有玉房與珠櫳爲君書扁題詩皆不雄張顛杜老定從天上憐

衰翁悔不少年二公門下執事爲僕僮

水仙花

鸞輪飛不到仙家玉樹瓊林看發芽一舫烟波凌洛浦
半窗風月傲梅花托根淺淺依春水著葉低低拂晚霞
殘雪於今無六出枝枝獨自漾晴沙

山行

重山複嶺正迢迢下入深谿上出霄石與馬蹄爭窄路
樹隨人影占危橋神驚洞底毒龍臥勢隔雲中仙鶴招
那得南華閉門讀游心物外自逍遙

聞柯蔭堂已沒

桃花流水失東鄰誰與仙源作主賓
晚景傷心皆若輩
故鄉知己更何人
壺中大藥全無用
陸堂業醫藥
篋裏遺詩
尚有神他日經過深
洞口待將名字勒瑱珉

春草

春風作態點芳菲
極目平蕪接翠微
引雨斜侵流水淺
牽雲小襯落花稀
不須塞比憐孤冢
何事江南歎落暉
坐愛牕前生意滿
出門遊興亦忘歸

直逐丰茸上大隄
青青不隔路東西
新烟縷細遮難盡
舊燒痕微望欲迷
芹下銜泥過燕緩
柳邊織錦度鶯低
美人際此多情甚
戲趣鴛鴦過別溪

觸景生情未有涯謝詩江賦盡名家銷魂竟似離筵酒
入夢偏如彩筆花百種卷舒兒女袖七香來去冶遊車
閒愁可倚青樓望送斷朝霞又晚霞

別抱情懷度碧岑桃花漫自笑春林蒼松樹外無青色
靈藥囊中有赤心染黛橫眉空對鏡聯茵接席且彈琴
休教蹂躪憑狂客欲報春暉歲月深

春柳

消磨風雨幾黃昏盼得新條換舊痕芳草池塘青接岸
夕陽村落綠迎門霞濃雲澹都無賴燕懶鶯嬌各有言
恐送行人攀折盡旗亭瑣細動離魂

多年怕折瘦腰肢
屬付東風緩緩吹
嗜好從人塗淺黛
心情別自展修眉
山橋恨寄殘烟裏
野館愁牽細雨時
何似靈和殿前樹
長依鸞輅拂旌旗

幾尺樓臺影不遮
清陰一片日橫斜
長隄舊與盤生馬
高樹今將隱老鴉
歷歷方田經穀雨
悠悠大道數楊花
殷勤畱得春風住
桃李芳菲共一家

風流濯濯看周遭
張緒王恭漫自豪
青眼但能憐白首
秋風何待醉春醪
神交處士惟高臥
夢想將軍尙遠勞
衰柳怎如新柳好
詩成無奈又牢騷

壽李卽園母李孺人

爲庸人母易速朽爲詩人母乃可久庸人閱歷三十年
朱門華屋已無有其人尙不知誰何又安問其母爲某
縱由耄耄經期頤空將春醪酌大斗昔在唐季聞邱爲
母百五歲頌黃耆樂詩不倦將終身八十恆言不稱叟
文章卽是瑛爛衣娛親卽在老萊後進想堂北無愁顏
笑聆新詩進醇酒千餘載下今李生隴西之裔白也耦
阿母祿養輕萬鍾令子才名重于首誰歟如此能承歡
天生詩人爲將母詩人母與壽母詩更億萬年在人口
惟吾紫陽同此心每逢生朝起爲壽昔年我亦曾夸張
今日樂事讓吾友願五百歲爲春秋朝夕嘯歌侍左右

夜雨

愁看陰石手無鞭醉與癡龍共鼯眠春夢初醒牕影黑
雨聲飛到枕頭邊

起磨殘墨寫今詩夜忘清泉注硯池出向簷前承滴水
雲間片月欲明時

老女出嫁圖爲陳海樓明府題

黃金鑄印大於斗市兒等閒肘後有盈庭狎客隨呼盧
環座名娼侍飲酒憑陵意氣韶華年自高聲價如登仙
何知浮湛下僚底郎官白首多名賢平生無心慕仕宦
鑿綬銅章更懶緝六十循例甘折腰蕉鹿得失夢原幻

歸來仍荷農家鉏心灰夕陽下平蕪屠市築嚴恨相若
天意從來困吾徒君不見貧家賢女老裁嫁剛夢熊羆
合歡夜糟糠之妻已下堂顧視委萋淚如瀉且喜嫁遲
棄亦遲不然不待而今時此身只合爲處子深閨莫畫
雙蛾眉

送何禹廷赴補司馬

青春楊柳引征車行客挪揄萬里餘作郡風流爭繫馬
分治氣味獨懸魚人非後輩難諧俗官是閒曹好讀書
夙愛三賢同俎豆生祠此去看何如

禹廷前任黃州
州有三賢祠

補賦正月十二日彩雲現

一春望雨先望雲豆落麥萎心如焚屏翳蜚廉兩相妬
靈籟力弱空慙慙回思正月日乙巳晚烟殘霞歛紅紫
兒童走報天西南三色五色喬慶起當時喜氣何冲融
由來此瑞惟南中卽看從龍復捧日不但大有占年豐
老夫終爲小民計生愁米薪是玉桂要使雲祥隨雨甘
同向山川拜恩惠暮春作霖尙有待眼中猶時見光彩
天人徵應原非虛賦詩且與叩真宰

補賦於三月八日越日而雨

金碧草堂招飲花下

疾風甚雨過清明燕老鶯殘正有情一世難償賒酒債
滿街閒聽賣花聲忽傳青鳥來仙窟如見紅雲繞玉京

始信草堂春似海香泥印遍屐痕輕

恭迎

萬壽恩詔志慶長句

聞古義軒歲月綿

清時

帝眷邁從前

一人得壽齡逾萬十載承

恩數紀千

鳳詔昔裁頒

北闕

龍章今又下南天早知星使乘春至五彩卿雲捧日邊

正月十二日彩
雲見於西南

劬書劇嗜爽

帟有鬻災處耳聞已流涎過門且大嚼况乃羅綺筵清
晝食不足樺燭中霄懸欲鑄易牙象揮霍黃金千豈知
古書籍至味非腥羶癯肥異今昔饑飽分愚賢領會孔
顏樂富貴浮雲然芻豢何足道疏水過百年

見惡速探湯

人性天賦與至善本無惡後起私欲多四端不肯擴盜
黷與大舜遂乃霄壤若悠悠斯世人爲惡豈最樂始緣

意所溺繼乃命相託道義如仇讎誰進苦口藥上達灰
寸心下流置雙脚下流沸如湯嗟哉赴鼎鑊

檢書燒燭短

青燈一點小於豆古聖心肝影射透矮窗短几珍如珠
持將天上傲星宿饒油徒照歌舞筵典冊煌煌失句讀
此生幸與相周旋鵲鰥貧兒已暴富云何既老精神衰
羣書記影不如幼短檠雖便嫌無光大椽華燭燕左右
臘蠟根銀差繆多恐教旁人議背後豈無過目便不忘
似此估畢苦區霽久封做簾塵掃開帙中瞥見蠹魚走
看他竟未成神仙斷殘簡編勞典守我輩嗜好原無殊

古人糟粕更飮蝨蠟炬成堆心已灰倦僕屏風亦觸首
乾愁移向王侯家去伴金翠達清晝老夫捨此將何爲
幸語青藜好相就

看劍引杯長

少年千金買古劍夜夜長虹吐光爛太平時節身手閒
尋常蛟犀血不染老來深信揚子雲愛身俠客無令聞
視同鈇刀棄不顧句踐何足通殷勤昨宵客筵酒興縱
局促纖兒太無用忽思干將與莫邪未及出匣鬼神恐
呼奴爲我持將看平地迅激飛江湍鑄時何曾大冶躍
舞處直作真龍觀假使延津竟化去雄鳴雌應杳無處

鷓鴣膏油自精瑩陰山土塊空磨鏽胸中傀儡何能平
玉斗擊碎如瓦鏘世事縱然少恩怨人生那得無性情
一回說劍一回醒旁人慎勿笑酩酊待得虎氣全消磨
停杯不飲首裁肯春醪好買千百壺醉看酒星低糊塗
張雷不起起顧陸試寫看劍引杯圖

插秧歌

綠楊一片蚪桑屨秧針漸長節漸吐田家正要今日栽
多謝天公昨宵雨四鄰星月忙相呼出門携得簑笠俱
青青擔頭阜分送桐楸好馬原不須成行布列退爲進
根泥欲淨插欲順能者左右疾如風不疏不密喜田峻

穫時稔歡歎還愁此際笑語聲不休紅日炙背水浸踝
邊計汗出如泉流新婦手拙亦來助四顧低頭自躊躇
短腔孤鷺擎拳看不是相驚不飛去吓過力勸心未灰
有髓桑柘陰中來分得乾魚並乾脯持歸且與娛嬰孩
太平樂事村村有幽風繪圖遺此否插秧歌續子爲歌
待獻 天家爲 帝壽

買松枝插瓶中

空山長養化龍虬夜半濤聲送十洲盈擔橫肩供竈下
一枝斜折市街頭風霜倔彊神全在烟雨迷離影碎流
尋古銅餅安置好甘泉浸潤到清秋

悼雞

樊籠時堞盡喧呶悔不桑顛結一巢
賴汝七年醒睡夢
四山風雨自膠膠

連朝報曉不聞聲隱隱鄰家各一鳴
尙欲相憐如病鶴
時看瘦影短窗橫

倏然羽化竟何之長記前年賦小詩
狗馬於人同惜念
携來交水負相知
雞爲露益李玉菴所遺

長眉長距
眉距皆長寸許
與羣殊憑藉丹青繪作圖多

少同雞空介羽朝遊城市暮庖厨

閏月得夏萬育書知已於去臘廿日到家

手書珍重達歸去，早安康村酒豐年。賤園蔬久客香風。

塵辭道路科目謝，文章旅殞悲才子。無人種白楊。

陶達甫公

同鄉也

觀象

三條鬧市聲轟雷，男婦擁簇紛雲排。小儒震驚出門視。

馴象貢自南夷來，一家前行兩象後。乍見無由辨尾首。

龐然自大如夜郎，一線眼中藐左右。嗟爾生長蠻荒中。

香臺幻眇騎大雄，老死空說六牙白。錯雜駝駝牛馬同。

况聞前代逆酋誅，繫燧插刀成一隊。砲石擊斃無人收。

幾見遺齒有塚在我朝，聖人真有真埏紘共仰。

騶虞仁率舞 廷階效百獸立仗 殿陛先羣神重譯
羈縻永不絕來貢遠與雉獒列土官護送輸殷勤牧守
逢迎敢陵蔑去經百驛人爭看俄頃喜愠殊改觀英賢
得毋感不遇比於二鳥摧心肝 仁聖懷柔德難頌

體物賦形或有用更願極西獻俊貌 一時同瞻備法從

答徐勉齋

徐君太華山上仙噓吸沆瀣餐雲烟有時渴飲酒百斗
散髮狂吟詩萬篇太華山神勸不住翻身踢倒層巖巔
下濯昆池五百里睡龍饑蛟紛逃潛山神愛才默無語
山鬼聞之天帝前是仙無理癡且顛草木禽獸無媿妍

爬梳搜抉加笞鞭況且使酒性難近戟手罵坐驚賓筵
羅漢佛力無仗處敢騎龍象偏袒肩美人亦恐失顏色
何以臨鏡窺烟鬢帝不降罰恩澤偏太華山傾池水竄
吞雞燕馬難安全帝曰若是姑謫遷絕若醇醪禁葷羶
往往塵世二百年雲中鼓吹導君下門對太華弧矢懸
山神相思意不絕夙世舊與山有緣惜哉太華名無二
不與西嶽同流傳李白未携謝眺句搔首來問南中天
昌黎痛哭是何處樵翁牧豎空周旋收羅舊聞六十載
家資傾半成瑤編愛憎喜愠品題異使我一見心歡然
叩門訂交吾宗與順寧棠召蔭入室疑到蓬壺邊圖書

羹鼎厭耳目長歌持贈如青蓮當風千條楊柳好出水
一朶芙蓉鮮我今得之長聲價欲買美玉勤相鑄短章
酬君君應笑謫仙之外無謫仙

壽楊生丹山母徐孺人

茫茫大九州修短數所有長生不聞道千年未爲壽矧
是閨閣間何知古不朽煌煌設悅日介壽亦大斗一祝
魏夫人再祝西王母

西母天帝女石室其常居夾侍三青鳥漢庭駕雲車手
傳蟠桃核欲種人歛歔有無何足道神仙語元虛崑崙
渺無所休爲賢母譽

賢母何以賢視其教子時富貴人常情屬望寧云癡家
書寄千里諄諄賢聖期甘泉無苦水直木無邪枝鳳凰
非鸞鷲不以爲嘉兒請看賢人廬上有青雲垂

青雲蒸長夏非雲亦非烟遙望郁郁處周甲開壽筵游
學奉母命問視違五年中夜夢飛越常到慈幃邊肥瘦
異今昔歡喜同從前義方夙凜凜在遠心無愆終歎祝
禧候未及將甘鮮清晨入函丈乞我崧嶽篇

憶我始壽母得年亦六十羣仙遺佳製至今猶什襲珠
玉遠相致雲霞爛漫入繼此三十年年年益瓊笈甲子
祝重周芝栴冀載香人子喜懼日先聖亦汲汲願子倍

於我壽母更參廿今秋與宴後過歸婦昆集詩取南山
上酒向北斗挹祿善疊爲養健羨蚤成立

曝書

高樓聳百尺遺編貯萬卷事理通古今參稽在貫串度
閣若無有連屋詎爲善蛛封固其常鼠啣同所戀霉爛
愁雨多天晴曝且遍時維六月六風日足欣羨錦繡盈
衣桁笥箱疊庭院著作誰等身空腹羞相銜散帙趁赤
烏分光流紫電觸手蠹魚出背走仍相面似矜若善化
勝人不知變貫酒多村夫夾鍼少淑媛年年晒復收歲
月去如箭昔市空黃金今藏逾白選讀書幾種子書樓

等郵傳日斜涼陰生芸香覓片片

星回節弔阿南慈善爾夫人各一首

曼阿娜妻曰阿南其心視死如飴甘世忠知是何犬豕
欲妻鬼妻虎耽耽自古再嫁禮何有真欲國人偏知否
舉火烈烈焚故衣挺然拔刀自斷首是時孝武主中華
騎奴乃尙平陽家青大將軍固甚貴寶珠姬兒亦何謂
冠帶董君慚也未吁嗟夜郎道已通西南火炬連天紅
千秋憑弔此夷婦一時孝武空英雄

漢元封唐開元淫風穢德如一門明皇不鑒武韋禍楊
家有女專承恩漁陽兵來帝幸蜀能庇婦人猶至尊是

時南夷有慈善繼河南後扶乾坤鄧睽不聽夫人言列
火焰熄鐵釧存南詔狡童乃欲以爲婚故夫可死不可
二白壁肯點蒼蠅痕城危食盡端坐死鄧睽不受旌德
源至今年年星回節家家執炬招貞魂嗚呼帝婦如狐
夷婦虎豈知後來又有梁王女堂堂中國竟無一人何
足數

短歌酬思茅趙生友和惠茶根杖

壺公不與龍作杖曠野無由適莽蒼眼前百鬼相欺凌
猥云衰朽是吾黨此身雖老志未摧尙有天際真人想
揮斤八極營九宵尋常筇杖且攜往趙生園圃餘茗柯

蛟蛇歲逐風雨長勃鬱離奇人不知贈遺一枝慨以慷
當其長鑿削取時木石怪泣夔蝸蝻路經谿壑多幽深
朝辟生犀暮辟象昨宵城北酣醉歸乍見意氣已逾上
張燈睇視燈失光星月晶瑩費礱礮節節息獸蟲魚形
自本及末愜心賞平生口耳空傳聞欲買黃金擲千兩
赤藤桃竹參爲三右手扶持左抵掌得此五嶽諸名山
少年浪遊技又癢縱教生龍不易擒尺寸變化億萬丈
滄溟飛入驪珠宮傾倒海水竭沆漭短歌告爾爾有神
願起韓杜互標榜更煩生風采一甌爲謝山川久愛養

酬段允吉

天地生萬物物欲其暢或謂因乎材亦是順而養未
聞賢與奸全作顛倒狀壽躋天顏淵造化任意矧有賢
者段君若爲鬼神誑舉足不踰規矢口無語妄富貴與
兒孫宜於德相償淹忽六十年志抑神匪王有子南中
英詩才最跌宕前年玉樓成虬背太倉兄作記殊尋常
何事急勾當遂使瓊樹枝不得久依依傍村塾教蒙童誰
是相若將絕跡束修羊羹鹽空糶益朝饑夜不眠白日
迷得喪朋友音問疏車馬過從曠涼風吹白髮倚門自
拄杖一時狂後生蔑視丈人行間復來五華獨行少韻
頗設詩藪名流嵇阮兼疏放裴瀆懸壁間喜君肯臨况

昨日持雙鴉棠梨坐相向意態如生時經營必巧匠篋
中寧有斯毋乃索米舫我欲報詩章言辭少醞釀不足
開君顏徒增人誚讓幾回停毫素我衰亦非壯請問蒼
蒼天如君竟何仗天高無一言第聞晚風颺注目視雙
鴉飛鳴出屏障

中秋

百年同此月相對異悲歡少壯原如棄中秋莫獨看河
山流影瘦蟾兔抱光寒別有瓊樓畔笙歌繞玉闌

李卽園中副榜

設詩豈屑附各家卽與論交亦不差箭一飛時皆破的

惟全注處忽逃車中流若有狂風如半道誰教毒霧遮
歲暮天憐知己少留將老友伴梅花

秋

若人無秋氣此心何以清若詩無秋意所言皆俗情秋
來私不公漁樵傲公卿如何當秋日愁思無端生登高
攢天地萬象憑空城自昔古帝王歿存皆營營况我後
萬年世網能勿擾飲酒徒自苦吟詩亦何成落葉與枯
木牽引蟹蛩鳴有土應大笑唏噓多不平痴狂竊自喜
乾坤與秋聲去秋日以受來秋日以迎願年百二十與

秋相縱橫

名媛詩歸卷四
九日寄李節園

最真知已是高秋對酒消磨萬古愁
千仞石峰雙置脚半籬霜菊一簪頭
葛巾漉破還開徑鐵笛吹殘正倚樓
與汝關心鴻雁唳今年不到路悠悠

九日

直上青雲自有梯每逢佳節雨淒淒
百年身是悲秋老千古人因附熱低
此際清風全不管誰家濁酒肯相攜
牛山下淚龍山笑故事商量更品題

長愁酒醉不能醒落木聲中掩草庭
辟俗匆匆如辟債設詩苦苦似設經
卽今世上人無數若箇墳頭鬼有靈

寄語樓船歌舞客，昆明池外遠山青。

寄李卽園

吾衰得汝破愁顏，詩卷早存天地間。海外文章蘓玉局，
秦中樂府白香山。風騷道墜從今振，館閣才多對此孱。
人世終嫌知己少，千秋國士半生閒。

和李卽園草花詩

紛紛紅紫不知名，徑向秋風傲鞠榮。絢爛無端歸小草，
松青竹翠亦虛生。

賦就貞心不可移，乾坤萬古共相知。風烟慘淡冰霜冷，
迴看野花無一枝。

約友人集龍泉觀

唐家老樹有香魂不到花開不叩門
約定今年新剝例先將好酒酌梅根

二十三日宿龍泉觀

夙愛游仙詩松喬不我顧
名山近咫尺羣真入道處
來遊愧筇笠登高未能賦
所見無佳人獨對兩梅樹
落日半潭水悠悠送歸去
今來此山中遂愜平生趣
下榻神仙樓深深護烟霧
雲中雙白鶴矯矯復相遇
時湖南楊道去西蜀

張道士自陝西來山中
道吾殆庶

次日諸友人至分賦得必字

我不知何時神仙闕璇室種得寒梅聳翠嶽亦不知何
時高峯有五老婦殘烟雲懶下筆榮枯樹應歷千年醉
醒人自非一律月落斗橫花有神定夢我輩入山日酣
飲狂歌駭人世千巖萬壑色皆失山下沈沈潭水黑魚
龍傾聽昂首出今來偏值花未開羯鼓聲催不敢必我
輩相知心已深寧待芬芬與苾苾座中况有寫生手東
風披拂輪捷疾枝幹毫楮兩相羨除却老樹豈有一但
恐題詩惱俗物泥墻黼壁遭呵叱不如散髮對樹下枯
蛟僵虬正我匹雅集更約三千回吟詩萬首吾事畢

聖壽日恭紀

我朝天子不求仙蓬瀛海岸無樓船我朝

聖人不佞佛西竺國門少枯骨自強不息體乾健

天錫皇家歲萬萬無內無外皆康衢獻曝傾葵

各伸願卽今六旬開壽筵五色彩雲見南滇小臣

私心亦何祝繼祖承宗六十年恭逢十

年遠一慶億兆人所天永命五華傳聲如崧

高長仰至誠與至聖

聖壽日白牡丹

五彩雲間獻壽杯齊將春色上樓臺物皆媚帝爭

先見花素稱王敢後開十月殊恩承雨露一枝清豔絕
塵埃袞衣欲取天香染好與移根

御苑栽

聖壽夕張燈

六旬祝

聖壽九有歌

皇仁臣心託明燭耿耿

昆池瀕聯合億萬點如星拱北辰光華分日月雲霞亦
敷陳城郭號不夜時月名小春此春古則小降誕

今

聖人三皇世其亞八千齊大椿臣鄉雖萬里舉

頭仰

楓宸諸生如齊魯整肅儒冠巾執經代手板

九拜輪尊親是時歲大有

國富家無貧靈膏出鳳羽

明珠傾龍鱗嬉遊玉燭世歡樂

君同民瑶池自燕

飲隨哉穆西巡

龍泉觀道士以仙醉圖屬題蓋呂翁也扶之者爲

其弟子柳云

昔年我到黃鶴樓先生騎鶴樓上頭一聲橫吹白玉笛
脫葉渺渺江漢秋洞庭湖邊又相見君山青青落水面
吟情飲興催人來岳陽城西酒債賤醉後蒼黃題一詩
十丈粉壁光琉璃埽殘禿壁擲天外笑問先生知不知
爾時先生亦微笑謂予癡狂未絕妙酒龍直挾湖水飛
文虎橫踞巔雲嘯兩地一別經多年酩酊意態誰爲傳
當時久已無今古此日何知有地大龍泉道士遠來訪

手持畫圖屬首唱我於先生甘拜風下一轉語非孟浪
先生醉後須柳扶柳幸不醉能枝梧假如醉時柳亦醉
毋乃行止憑飴塗仙鄉醉鄉境無二道士聞言莫予訾
昏昏默默真人多夢中還說第一義

孝子江聚菴先生遺事

割股豈不痛病在親身股何用嘗糞豈不苦糞苦疾愈
甘無補桐棺三寸斂父屍一隙血水偏淋漓痛哭伏地
兒萬死手捧口飲等清泚此時天地心慘愁百靈擁塞
乾不流至今地上碧草色血痕淚痕辨無由孝子之孝
爲難能歷千百載何人曾有婦是婦子是子至德要道

綿雲仍孝廉述之乞我傳讀未終篇淚盈面孝子忠臣
期許多處常悠悠况處變

葉映堂延飲新園

堂以榴名成於今年夏月

街頭何處買雲山移得瓊樓第幾間花木已如名節有
禽魚都覺性情閒不妨勝地常延客每笑仙家自閉關
爲問紅榴明照眼誰扶藤杖早躋攀

草堂疑壓晚江濱別有園亭結構新復徑欲迷初到客
重門不阻後來人詞家賦雜詩家賦十月春如二月春
最厭城樓鐘鼓早歸心慚愧夜遊頻

聞雁

雁唳長空久不聞一聲日暮落層雲方將枕上續殘夢
正好尊前成小醺絕類向誰鳴得意懷人如我訴離羣
平生哀樂相關注試與歡愁爲細分

聽雁

如雁聲音鶴乃倫青冥屬耳敢辭頻疾徐原自判清濁
先後直將分主賓送入雲中聽莫辨收來紙上繪難真
何當繫纜銜蘆岸與汝烟波結四鄰

重聞雁

又聞天上作秋聲斜倚幽牕耳早傾信得新鴻如一概
疑爲舊雁每長鳴重霄不許他音換凡鳥難將別調贖

只是愁人傷感易吟詩較汝更多情

憶雁

竟從何處問烟霞
荻葦茫茫憶水涯
應恐離愁驚客夢
不將清淚擾人家
南來獨鶴飛無語
西下羣烏去莫譁
賦罷有聲天外至
城頭日落送悲笳

題詩後

最苦人多感長憐士不癡
醉後裁得計醒來又何爲
歷歷星霜改悠悠歲月移
屈騷千古上莫更賦相思

憶西北一帶梅花

平生看梅不一樹
此時出游向何處
風雪村落西北山

水邊林下門不關當年匆匆幸一過茅舍泥壁少墨澗
留待今日長相思殘雪半消月半破怪是相見卽相知
相知不思欲何爲人間車笠太草草交情轉眼輒顛倒
百年知己山中眞第恐樹老摧爲薪

憶龍泉觀梅花

四五百里池水顛人言此地宜神仙丹成乘鸞去不見
遺兩梅樹臨龍淵東傾西斜歲多少苔蘚螻蛄闖人早
世間尤物休相知相知相思人以老梅不思人不枯槁
安得神仙亦相思大藥爲返年少時樹頭花開萬千朵
樹底來遊許有我十日五日無不可嗚呼此事計非左

楊丹山來不值

日日望君來，昨來日何暮。舊館亦相思，不能復久住。高
飛羨鴻鵠，雲霄有去路。飲啄堂室中，燕雀笑自顧。朋友
離合間，是見性情處。嚴城早關鎖，宵柝趣人去。心知一
夜夢重門，欲飛度。

草堂贈梅花

晚節冀同守，贈梅如贈言。風霜成老幹，冰雪固深根。移
向尋詩徑，來經賣酒村。春花千百種，慘澹晚烟痕。

對梅花作

蕭然相對處，興已寄山林。與鶴談幽夢，如仙寫素心。孤

懷曾獨往悵望每遙吟感謝高人意悠悠夜漏沈

雪夜見螢火

草自何時腐螢從此際暉寒宵留雪在冷屋見星飛入
賦昔曾慣陳詩今自稀誰披五行志物理究精微

約友人西村一帶看梅花

西村一帶野人家絳雪繽紛閒素霞高笠短筇人人畫
莫將輿馬惱梅花

海源深處卽仙源且喜山僧未閉門滿地蕭疏明月影
恐人先我踏雲根

不妨醉倒臥蒼苔山鬼妒人風雨來七尺布衾如玉煖

大家伸縮白雲隈

馬遲枚速盡吾儕携手同行意更佳
半路名園詩境在
煤烟藤紙早安排

過妙應寺

荒寺無僧導寒梅有樹存烟雲空著迹
雨雪不留痕
半路聊停屐前年早到門
名山多逸興始可倒清樽

過嚴淨菴

卽此是梅園何須別叩門
人皆趨古寺我亦記前村
尋勝無偏好探奇有獨尊
祇愁輕去就回首役清魂

宿海源寺

梅花同此尋明月同此好一年樂事無幾日一夕名山
幸共到名山之德何以報願如月在天清光無不照願
如花 在樹寒香無不妙莫愁片落花亦落拂衣出山歎
寂莫愁雲愁雨冷高閣遊人去盡猿鳥樂

曉起

天光來一隙客枕不能眠倚石迎初日攀林拂早烟題
詩非宿構說夢卽真詮鐘磬空勞爾聲聲恐破禪

夜赴崇寶山看梅花

醉叩禪關月正明山僧夢裏盡相驚寒梅乍放原多事
狂客頻來不近情裁見斜陽停笠影旋聞半夜拄筇聲

今宵恐有吟詩興，坐待天高北斗橫。

飲華嚴潭水

玉液瓊蘇此有無，松枝竹葉滿齋廚。僧乞取潭頭水，好作空山試茗圖。

吳家掘井遇飛仙，不作昆明第二泉。誰信華嚴相伯仲，有龍潭底抱珠眠。

早起見月二首

出遊不厭梅花樹，入夢不離梅花處。我與梅花如一人，花不夢我花無神。舊夢新夢續相作，早起庭前月未落。庭前月是山中月，曾照梅花香未歇。梅花不向庭前移。

清曉見月來多時樹底風光宛然在入夢出夢兩無礙
卽園送梅花

西村昨日看梅還清夢繚繞明月間我於仙人去亦邈
騎吝不贈羅浮山朝居慕遊愧猿鳥山鬼山神據深杳
問梅畢竟誰相知雨雪風烟恨未了幽情若令無卽園
幾時慰藉塞宵魂一枝何但如一樹千林氣味胸全吞
平生浪說詩萬首賦到梅花便覺醜折來況是多才人
難將升合對石斗西村明月偏相思隔城飛越來疏籬
緩斟微吟景不失恐此卽是空山枝

題畫馬

峇者言金縷所卷四
玉勒金鞍出苑初
跨坑越谷隼飛如
按圖索得疑無用
雨雪尋梅穩是驢

草堂牡丹花

曾經大雪壓迴闌
開傍梅花可耐寒
極解爭妍甘後出
縱能免俗忍遲看
玉樓乍見猶疑幻
金屋深藏尙恐殘
草閣茅檐輕位置
仙家得此不艱難

寄菴詩鈔續附卷五

庚辰

雲南劉大紳

元日過訪卽園不值

第一人居第一樓宜於第一日來遊君偏載酒尋他處
我自題詩置上頭翠海光連晴旭動華山影逐曉嵐浮
春風更與神仙約萬樹花紅莫逗留

偶吟

歲莫寒梅花春初木芍藥或則傲冰霜或則逞妍媸同
在造化中氣味不相若遊人嗜好異風月各有作當其
抽心思誰厚復誰薄至竟貽後來棄取分善惡草木雖

無知亦貴得所託感此慎交友半日倚高閣

同徐勉齋紫雲村看梅花

菊花村外紫雲村新舊梅花種滿園入市猶知真氣味
出城何憚數攀援遲來未免春風笑緩去猶妨醉客喧
四顧茫茫高塚在中藏幾輩賦詩魂

憶北上諸友

柴車無力逐雲車夢斷山顛與水涯昨夜御風如御馬
海天閣上賦梅花

蘇扶之招飲以梅子侑酒時梅花亦就實矣梅去
歲盛開時匆匆過也

高樓幾夜笛吹殘悔昔過門不入看天下奇材寧有盡
人生樂事亦無端和羹正賴調金鼎止渴相須貯玉盤
齟齬甘心眉未皺窮儒氣味本來酸

謝石臞贈酒投詩求書到門而去和韻

夢醉梅花剛午睡醒看竹葉得來真孤吟幾見稱佳士
共飲終留待美人杖屨如何殊舊雨杯觥不使勝前春
書成長句還應笑一枕西堂始有神

懷戴古村

殘臘裁經歲又新滿城風月自爲春相思怪我情如許
同是梅花夢裏人

楊亦山惠青藜杖

我從遐荒索筇竹視同靈壽臃腫木其人作意窮雕鏤
已失深巖舊節目去年始獲山茶根蛟龍氣勢雲雷痕
採詩勝於鐵生鑄支持叩遍幽人門人生及老戒貪得
一身寧須幾杖力亦山今又投青藜如獸添足鳥添翼
此物雖在籬落間生成長養心維艱要令野老盡扶起
抑搔痛癢全相關如君襟期豈易有我何人斯廁黃耆
報詩且與杖鄉年從乞仙李同老醜

余前有從李向
宸乞青藜詩

雪

紅桃樹下雪堆白塞北江南不易索申歲一見黔陽城

再見辰歲皆逢庚玉龍作戲娛老子銀海雙眩武陵水
乘春洞底尋神仙飽飯桃花壽千年

戴古村招陪萬香海飲先以詩用酬一章

香海始自西江回古村卜日瓊筵開是賓是主直難得
更欲老子趨相陪老子嗜好小兒似聞招恨不先日至
裁箋折簡還紛綸伐木殷勤乃不啻上言無客長闕門
下言賓至纔開樽兒童衣冠遠迎迓春花春鳥娛朝昏
此風居然是隱者此詩何嘗減騷雅七松閣下堪扶鳩
五柳門前好繫馬怪我仙源尚迷津推猷正藉東西鄰
懶謝洞底設雞黍桃花樹下初來人亦怪君詩太成早

歡娛文章尤自好假如雨雪行路難酒肉何由共醉飽
反復笑我真迂拘說詩如此非通儒且與今宵一酬唱
不妨明日重囑于蕉鹿誰真又誰夢醉人何必揭春壘
但恐昌黎才分高嫗解小詩百不中

孝子行

紹興陳子志伊尹齋遠游滇幕去年隻身返家
迎養母氏以今春至吾敬之愛之願一世人
效之作孝子行

春風吹入游子心陟黔踰楚還江潯秋雲繚繞慈母杖
扶持直到滇南上紹興流風幕爲家一來不返紛如麻

高堂雙眼淚常濕白頭獨自望天涯吁嗟陳子今孝子
徑辭妻帑返鄉里當時出門愁絕裾此日登堂喜奉几
舟車費用金銀多交游乞假遭斥訶山靈水鬼盡愛惜
是母是子安穩過於今就屋視膳處庭柯老烏屢回顧
嗚呼羨爾入幕賓多少簪纓等冀土

占村席間作歌時黃君秀五楊君右淇在坐

生會合古有數飲酒且勿歌行路窮愁自操風雅權
以樂常集鬼神如西江萬侯賦歸來有司資格淹羣才
豈是郎官靳不與裘敝金盡顏如灰且喜吾黨慰離別
幸賞功名眼一瞥熏就衣裾有異香鑄成肝腸本生鐵

香海鐵峯皆

黃君別字

軟脚酒盞何清清一湖花柳春水平雪上

瑤枝色皎潔月來火樹光分明昆華羣賢滿東閣鬱金

斟遍銀鑿落主人未醉先高歌一聲南飛老黃鶴山河

酒壚固依然

請秀

吐鳳奇文又踟躕

謂右

外邊稱意忘

正我輩唱和翻無緣多謝貴人盛氣焰盤踞胡床頭

懶點屈宋不爲衙官羞冉季肯因具臣玷九枝燭影華

冠張南箕北斗森雄芒酒闌恨不拔劍舞丈夫七尺殊

昂藏豈無千秋萬年事斯須祖轍行作吏後來有人記

離悲合歡故鄉地

廚下老嫗歸

虧汝蓬頭蓂濕薪羹稀飯淡兩經春
旋歸往往呼名誤
不爲詩成索解人

雪山歌

雪山不與冰山同皎然作柱西南中
叔視玉峯李瓊島
晃耀紅日凌蒼穹是何神靈始開
靛青黃赤黑少形狀
純用白描成此奇留付仙人代屏
幃仙人懶設居高樓
肯攜酒脯登山頭醉中一揮快刀
斧斫碎百萬僵龍虬
豁然青山盡放出仄處種松平處
秫內華外夷得醉飽
不教貧窶歎倉卒凡人不仙仙亦
凡策杖蠟屐皆口緘
藍輿跡絕玉柱上問誰得句鐫巖
巖麗江高人昨過我

出記徵詩急於火世間勝槩要親歷恨不鐵崖擊鐵鎖
上窺橋木銀濤寬爭光競彩雙星寒下瞰蒼茫大海岸
消納雪水添波瀾及間更縹緲風馬崑崙羣真逐騷雅
勝從玉壺望倒景龜魚交吐咽不下縈魂繞夢經多時
名山名士慚相知披裘西牕翦華燭春宵玉粟寒生肌

卽園送海棠

經旬不見神仙來滿園海棠花已開春庚遺音趁清曉
報道折枝出蓬萊山中迎暖寒難送彩鸞翩翩跨赤鳳
瓊玉肌膚明絳霞鮫綃衣裳風吹動五更好夢全無因
常嫌蛟蝶過西鄰美人徑從海外至笑態傾國眉不顰

貧愁尙欲貯金屋論價珍珠量十斛却恨東風強主張
不并梅花媚空谷

次早對海棠作

華清宮中早睡足華清池畔新出浴炫粧盛服紛如雲
只此天人絕塵俗昔時相見從蓬壺鳥列坐皆仙儒
神山難到容易返夢中想像人間無於今老興不如昨
有酒還向春風酌折來一枝花宛然深深杯底紅影落
好將翠幔遮樓臺蜂蝶鶯燕休疑猜飲雅歌風要相稱
留待明日羣賢來

夢張金門

無衣亦無食獨有古人風任重忘身患言多陷口窮論
惟求一是氣自失千雄怒罵今猶昔前宵見夢中

分賦海棠川鹽韻

好雲向曉落前檐禁住狂風休入簾中有名花正綽約
含睇宜笑情無厭名士聯翩擅時彥命疇嘯侶如鷄鶴
跋履曳裙暮裁至重門迎迓心何忼綺語品賞未終畢
屋角已少烏輝掩是夕星辰固燦列清光猶靳新銀蟾
夜中辨白不辨紅離朱暗室難窺覘樺燭高懸吐彩焰
烟靄密覆紅樹尖美人半醉索扶起帳頭白玉鈎碧綠
自知醜顏匪關酒瓊瑤微酌神韻添貧士何由置華屋

仙妃未惜來窮巖巫山感王洛感榼風流兩賦看能兼
我慚唐突與刻畫敢將西子并無鹽待倩丹青作巨幅
掩映脂粉開鏡奩春光易過九十日絹底火齊永無燬
卽園追和元日有此樓留題元韻再次一首

有此人裁有此樓何人不願此同遊憑他阮藉皆青眼
况是劉伶已白頭倒酒壚前今量小探詩囊底昔名浮
雛鶯碎語花朝近重訂春風十日留

宗兄學博

編通

自晉寧奔喪永此詩以代哭

嗚呼天地非不仁授形予理生斯人既已生之何又死
不億萬年留此身聖人視猶巨暮耳達人更以贅瘤比

杜鵑春啼烏夜鳴最難爲者乃孝子父死卽無父母死
卽無母生天成佛總荒唐焚香返魂竟何有况如我輩
失怙人所恃惟一母氏壽嗟我獨飽束修羊又見吾兄
哭鱸堂麻衣桐杖奔家鄉晚雨零落朝烟涼負土成墳
淚淋漓餘涕沾灑枯白楊野有雉兔馴其旁此後富貴
只人子三公縱得心悲傷嗚呼春草自萎弱春暉不久
長安得使兄奉母氏終身冷署依宮墻

草堂送牡丹附薔薇

放翁猶作海棠顛花事人爭說謫仙斗覺春風聲價重
何關狂客性情偏乞來愁在富兒後擔到適當清夢先

伴送薔薇知有意好教濯露寫雲箋

蘇寄坡宅上看牡丹

春山初日破清曉綠楊影蘸翠海倒十萬人家猶閉門
老夫自爲看花早城頭魚鑰開未開名山漸次迎客來
寄坡睡醒笑相視神女久下朝雲臺前年西南彩雲起
青天變成五色水須臾驚歎過眼空誰知墮君谷園裏
天孫織就霓裳衣銀漢淺淺龍梭飛人間春花有如此
七襄機上無光輝三足青鳥裁到時夢中先擬看花詩
寫來相對不相稱枉數一夜更漏遲自顧已過七十叟
卽當少年尙形醜朝酣夜染何能工毋乃紅顏笑白首

且向春風索酒嘗，隔年土窟生清香。不嫌醉卧不歸去，任人白眼看疏狂。

補壽寄坡六十

寄坡今年正六十，未及登堂一長揖。滿城傳說懸弧辰，海上羣仙玉森立。歌功誦德非諛詞，我雖不文可無詩。一欄春花散朝錦，藉此正好延繁禧。却計今日已十七，不是月之十四口。金石刻畫又難爲，詩恐如人只從質。迴頭大笑看花枝，美酒且傾三百卮。人生爲壽寧有期，寄坡今年裁六十。吁嗟此事何汲汲，我輩不壽三千年。亦當八百如彭錢，到八百時視六十。醉盤戲弄嬰兒然。

嬰兒之道真神仙專氣致柔養天全寄坡聞此不我怪
客散再補岡陵篇

深夜對牡丹作只一花

截錦裁花玉簇柯看如天上彩雲過分餘春色原無賴
占盡風光不在多可得名箋揮彩筆誰將巧笑償清歌
燒殘短燭欄杆外奈似芙蓉欲睡何

早起對牡丹作

倒屣便向花間來最難天地生此材私心却怪李唐後
經幾百年花不開覆花何嘗無步帳醉花何嘗無金罍
春風空度二三月紅紫狼藉青蒼苔捧硯脫鞵何人子

平頭老奴赤脚婢我亦啞然笑不止李唐以後無花矣

牡丹

倚欄無力向人驕簾幙風來影動搖絕世精神真自貴
入時顰笑欲相招鋪張錦繡臨三月點綴文章見六朝
但願花開常不落春城日日度花朝

謝石曜繆惺軒雨中見過留飲

謝子天下士久客前年回所交無凡流到門驚奇材一
言甫出口萬里生風雷昨日雪中去今日雨中來意氣
無新舊笑我真衰頹不有酒如水懷抱何由開宴客東
西鄰絲竹豪且哀行觴出玉手半醉橫金釵四圍洛陽

花穠艷凌寒梅解事是春風先期相與催蕭然文字飲
我輩何有哉安得天上月倏照筵前杯新霽不歸去終
夜傾尊壘又張破雨葢勢欲雲霓排官街泥水多狼藉
汗青鞅人生不富貴騷雅空追陪大笑送出門荒庭悵
徘徊

牡丹又二首

歷倒春花幾萬叢根株只合在深宮影窺金屋穿簾月
香送玉樓入幙風移住草堂知不慣翻成樂府問誰工
自開自落深山裏却與參苓共藥籠

將相神仙各有園想應蜂蝶亦爭喧詩文自此移風氣

言者言金 續附
十一
嗜好如斯擾夢魂
蘭麝濃熏全不厭
粉脂遍染竟無痕
可憐姚魏尋常客
依附俱能姓氏存

牡丹又一首

懶向溪邊賦浣紗
天生尤物又何加
酒經醉後惟尋夢
詩未成時且看花
名士雲間騎彩鳳
佳人陌上駕香車
相思相見春風裏
認是蓬萊第幾家

牡丹又二首

直到今朝興未闌
不禁風雨怯朝寒
自知玉貌錦衣慣
轉覺亂頭粗服難
情爲爭名趨衆好
物非出色倩誰看
侯門似海休干謁
一向花殘客亦殘

癡想名花竟不殘長將老眼醉中看
品題舊詠幾人肖
結撰新詩似汝難
深院雲霞分曉艷
小樓烟雨伴春寒
買栽池館知多少
可有閒情夢畫闌

看花

此身自信是花癡
生怕春風易別離
任是夜深花睡去
悄然看到睡醒時

牡丹又二首

脫帽羞將短髮簪
東風不到使相探
卽今何止花千萬
無此空過月二三
宜有妖姬酬妙舞
誰憐老子佐清談
一雙蛺蝶羅浮種
也向雲端下草菴

何物神仙著錦衣臨風光彩化雲飛全殊我輩窮愁住
酷肖人家仕宦歸朱紫滿城皆失色丹青一幅亦生輝
吟詩莫怪多情甚費盡黃金買得稀

憶著斑斕舊綵衣寸心長此戀春暉名園王母室如在
落日少兒風已微一朶倚樓空踽踽千枝橫檻自依依
李嵩興會誰能似九十看花願不違

牡丹一首仿長吉體

瑤姬夜下陽臺寒珊瑚碧樹攢闌干春宴沈沈月光短
東風不送朝雲暖半醉起舞霓裳亂香囊墜地寶釵斷
迴身入席傾瓊漿濃熏繡被疊象床海棠芙蓉兩睡足

嬌慵一身怯獨宿西山彩鸞疾駕車東海文鯉忙遞書
楚襄宋玉賢主臣一縷香心轉雙輪鴻驚燕逃去不仕
酒痕留漬牡丹樹朝來新裁五色錦風雨相看夜不寢

又五言一首

巧哉天地心經營有意匠草木固微物水陸各殊狀能
於繁華中相與逐時尚生此牡丹花雲霞五色放當春
二三月陰晴厚醞釀直以大氣力尊之無二上枝葉先
自矜蓓蕾已莫仇芍藥勢匹敵低首甘作相巍巍百卉
中宛如得道王人世無古今不疑此論創車馬少休息
歌舞互頡頏極意事逢迎十不一得當深愁風雨來錦

學有言金 行附
十一
繡製作帳明月窺簾鈎姮娥神都喪寒儉如老夫亦復
心往嚮人家識不識叩門徑策杖乞得一兩枝遍呼我
輩行歡然醉村酒夢中且和唱霜雪寒梅開清漪淨荷
悴浸假生其間嬌羞恐難抗此物何知機前後工避讓
富貴苟如此豈不免衆謗巧哉天地心草木亦自量看
花還看人西東北南望

惜花春起早愛月夜眠遲各賦一首

深院銷輕寒春光爲誰到一夜疑風雨常恐紅落早花
徑不逢人新鶯啼清曉

月色侵人衣清露濕高閣夜氣冷如水默默數殘柝不

見瓊樓人舉杯只自酌

又二首仿東野體

一年無四春東皇恠紅紫有花未著樹早卻黃綾被多
事籠底禽人後催人起

高卧春山空好友一明月白晝盼不到清宵歎圓缺背
影耽早眠相思負倉卒

書卽園近詩後

有君飲酒酒不寒有君看花花不殘看花飲酒尋常事
春風獨據吟詩壇一時聲名走萬里升天蟠泥無定止
孟生作龍韓作雲惟我與君亦如此

酒浸酥煎牡丹花各一首同倪梅岑

欲破禪心少佛拈又分餘潤到花尖微微入樹風相勸
汲汲窺樽月不廉直恐獨醒遭俗怪何嘗大醉惹人嫌
調和却笑酸梅子舍是醇醪只道鹽

春光沈醉倦扶闌別有詩情檢食單未稱他文汗漆簡
祇餘此事壓雕盤枯腸伴酒香俱化纖指調酥膩欲彈
莫笑西風吹竹瘦幽人相勸夕加餐

東山行

東山之上神仙遊烟雲結構三層樓天風昨夜送天樂龍
吟鳳嘯時無休世間有此卽安宅誰爲賢主誰嘉客不

妨一住三千年醉看海水成桑田神仙一半忙上天騰
雲駕霧相爭先蓬萊後會心茫然雲中雞犬空喧闐明
晨整理舊藤杖往叩神仙乞青嶂好作重樓插天土

新槐

春風娛我紅紫在人買惜黃金簪憐白髮靜對
新槐青青有致心之所適輒形於詩

難買西京花一叢新成槐葉小樓東淺遮蟻穴窺烟裏
半露烏巢認雨中碎影細篩春草綠輕陰斜透夕陽紅
漫天柳絮殊多事隔斷雲霞望不通

金碧草堂待倪輝山兄弟未至時輝山將北上

軟紅何地拂塵埃，欲勸春風酒一杯。
岐路終難挽車馬，仙家已許借樓臺。
不妨好客遲遲至，只祝名花緩緩開。
待到柳梢明月上，羣芳影底共徘徊。

見壁間石臞題詩感和一首

種秫曾無半頃田，誰知君亦飲中仙。
逢時草木皆增價，失路文章不值錢。
美酒自應留月醉，好花終是借詩傳。
入門望見題名處，獨對東風一悵然。

同石臞古村訪香海復詣卽園不晤遂同香海石
臞古村過湖心亭至迴龍山看芍藥花

春風不休息餘事及紅紫披拂九十日開落一萬里春

花感春風時或泣不止欣賞無閒人伊誰是知己使我
爲之悲相思五七子咳唾通風雲杖屨遍山水坐柳尋
黃鸝動荷覓赤鯉不惜追逐勤但知倡和美中心旣以
諧逸興曷能已遂至新招提問傭徵故事花王不及拜
花相可揖矣仙蝶潛羅浮蒼蠅鬧成市草木本微物自
難慎終始多少賢達人往往玷青史班固旣附竇永王
亦汚李未至青雲上早墮溷泥底遇合直有時躁進胡
爲爾感此三歎息企羨蘭與芷無人自芬芳高風古黃
綺我輩當何如勿輕爲人死詩成寄吾友深谷何處倚

鄰家見芍藥

言金卷四
一丈戎葵最易栽，風前雨後任花開。
從無惡客敗詩興，時有仙人與酒材。
爛醉捫天星欲落，清吟徹夜月相催。
玉樓金帶休驚駭，曾向鄰家漫去來。

看花吟

點金幻術非神仙，買花買酒俱無錢。
有時開落不經眼，有時笑噴花枝前。
上天愛憐花出色，不雨不晴爲花德。
玉人彫琢空成章，紅女機梭欲停織。
偶然見此魂便銷，得意詩成又相驕。
平生自言學道久，雲行水流心動搖。
春雨如酥風如扇，好侍東皇一歡燕。
雲車易來亦易歸，莫待東郊去祖錢。

續芍藥吟

茫茫四海難停驂塵世豈有仙人菴
蘭若隙地尙清雅
鬼狐可說天可談入門穿徑見紅紫
園丁栽植殊能諳
可憐栽花無他計得錢送花心始甘
蜂依蝶偎更可笑
霏烟結霧隨擔擔叩囊空空如我輩
赤手枉向春風探
况又華顛異當日一尺白髮垂鬢鬢
曾坐花間三歎息
草木鳥獸同愚憨逐風逐雨任開落
爲取爲棄憑簾貪
泛酒煎酥且醉飽奈何醜女並醜男
無端又惜古才子
行止顛倒心如惛得食相嚇乃腐鼠
吐絲自裹眞春蚕
今朝始悔昨言悞舌出母乃村醪
酣當門千陂染朝綠

隔城一角拖夕嵐試登高樓放老眼莫爲看花憂不堪
雌雄黑白有深意知一守一吾師聃豈但對花不能賦
何況折花還欲簪窺人園林太無謂不如老作書中蟬

謝草堂送芍藥

富貴人望望然去富貴花油油然與我貧賤者何能爲
於花則恭人則倨陳侯我友知我迂人步不步趨不趨
平生愛花入骨髓青枝綠葉庭前無雲霄仙女鳳鸞跨
肯爲凡間俗士下夜光明珠非斗量美人決不減聲價
春風吹遍梁州城名姬寶馬交歡迎錦袍神仙自瀟灑
笠亭野老太瘦生昨日贈我錦繡緞報之旣無青玉案

今朝又贈青琅玕，無雙玉盤更煩惋。君家草堂深復深，
天下春光在園林。分來往往出意外，花前不敢萌此心。
清朝乾鵲噪檐底，向午藥欄送花蕊。此花不遇李青蓮，
幸入謝家好句裏。往年維夏當階翻，穀雨未染烟霞痕。
邇來風信難蠡測，奪得楝花廿四番。共知東皇竟未老，
作送春詞正覺早。婪尾酒飲三百杯，醉後詩成却草草。

聞雞

春天欲曉尚未曉，翹然雄雞一聲早。樹頭寂寂無衆鳥，
好夢惡夢人不醒。夢中有神笑人老。

玉盤金縷杯 有序

金碧草堂贈芍藥一種外白內澹黃白者圓而
大黃者刻縷細碎宛相承也中間綴以二耦若
落後結實苞者然其末仍作碎瓣色鮮紅甚不
詳其名字憶蘇集中有玉盤盃詩檢視之弗類
惜花所謂瑪瑙盤盛金縷杯者近之矣然不言
其中心如何是與否未可知也兼采二名以玉
盤金縷杯錫之恨今世無長公其人其詩負草
堂盛意耳時庚辰三月丁丑

昆明芍藥千萬株不與花厚寧非迂春風多情屬鶯燕
詩人酒客齊相呼山亭池館到欲遍爭妍鬥巧顏色殊

矯矯一種獨遺世昔所未見今所無論傾城國定推此
不敢比擬尋常姝神人來自藐姑射綽約處子冰雪膚
花牌幾曾見各姓揚州烟月空歡娛疑是東武玉盤盃
金縷杯亦強形似中間又嵌赤珊瑚我生幸不爲花汗
嘉名肇錫時踟躕勝於作賦搜腸枯得其一焉已不孤
三則爲粲尤物俱誰歟置我荒庭隅草堂老子憐吾徒
慷慨不惜明月珠一日百刻凝清矚彩雲山下玻璃湖
持照玉影清而癯丹青有手難爲圖風月追逐羣仙趨
木蘭船頭酒百壺大瓢小杓終何須徑欲借此傾流蘇
興酣湖水吞不敷大醉題詩愁模糊散髮一唾游仙都

紛紛紅紫胡爲乎不中作箇中作奴

頃以前詩示倪梅岑蒙和一詩奇逸高曠視余詩
凡語矣不暇自愧且爲花喜再成一首

名花際遇今何奇才子聞聲卽相思盈箋珠玉不論價
如賦却扇催粧詩詩成願一見顏色徘徊顧視真花癡
春風費盡一春力栽能成此無雙枝東君夜夜爲起舞
才子佳人許心知佳人猶矜粉黛色才子只進瓊瑤辭
平日朱闌伴紅紫若自驕寵人猶疑一經品題絕行輩
何但美艷同姜姬綠珠名雖石崇錫洛神賦自陳玉宜
看花讀詩不自持世無名士花何爲空山寂寂開落時

王香泉邀看芍藥時立夏後一日

春風風人二三月昨朝忽過穀雨節少年猶自情依依
我老何心說離別百舌飛上欄杆頭好語似道春已留
直在王家步帳裏君盍早去相綢繆王家兄弟不局促
栽新樣花翻舊曲挽住大道七香車來看中庭五色玉
入門春風共一笑與芍藥花夙有約當階踏碎青蒼苔
可惜宣城少同調望見謫仙天上來甫適自顧無詩才
臨風時吟得意句寸錦尺繡皆新裁若令座間罄絕技
天孫機上綺霞起東君長此停鞍羈留行何但是紅紫
嗚呼折柳不如折花枝况復飲酒兼誦詩花間莫聽杜

鷓鴣酒邊莫唱陽關辭
杜鵑聲聲叫歸去
陽關字字是別賦
丁寧世上惜春人
相思更種紅豆樹

倪輝山邀往蓋忠寺看芍藥奉辭

我不曾見韓魏公
從看芍藥維揚中
亦不曾與萬花會
人物狼藉汗春風
一枝一葉茅屋底
爲花愁復爲花喜
草木開落祇須與
千秋生面認故紙
看花往往多詩人
韓白歐蘇如比鄰
如何魏公開宴日
好客二王兼一陳
花間留傳無一字
應爲作相尋常事
恐教人說金帶圍
竟同靈芝獻符瑞
不然四公盡名流
何難卽席相倡酬
人生隨時好行樂
但嫌境過心還留
月在水中花在鏡

我今亦悔日相競由他花相與花王更不中賢復中聖

謝倪輝山招飲卽送其北上

看花三萬六千日飲酒三萬六千場作詩三萬六千首
人生如此奚所望笑我少年好題詠老慚武人賦競病
杜康旣作絕交書封姨又下逐客令雲霓冠珮蛟螭車
悵望何處蓬瀛家剛纔學得閉門訣君來不許眠烟霞
再到山中舊游地青帝赤帝循故事三十一種閨苑歸
滿園時鳥變聲異綠陰深處登高樓書牆畫壁推風流
此老人閒豈能有天上謫下神仙儔神仙今又兼富貴
袖拂紗籠競相慰古今解事倡與僧我輩效顰便無謂

席間不用愁詩逋落日晚景陞山鋪
攜得香雲是五色
燈前燦燦生光無却憶故人買鞍馬
一鞭壯遊半天下
秋風吹上長安街夢符
君王用不舍數年聚首昆
明城碧雞金馬相逢迎竟向短亭折
楊柳嗚咽難唱陽
關聲噫吁嘻昨日留春春不住明日
送君君卽去留春
已無芍藥花送君可有甘棠樹

檢詩草

連朝檢點舊花詩正似多情憶別離
悵望神仙招手處
驚聞俗子到門時余方有事君姑去
老不如人世盡知
稍待編成新集後陶然一醉向東籬

九方臯相馬

世上卽有千里馬無九方臯死樵下世上卽有九方臯
無孫伯樂何爲者我聞當日秦穆公知人善任霸西戎
豹枝由余不足數奚與蹇叔天下雄一朝愛馬如愛士
遐瞻遠矚騏驎空臯也勤求厯三月乃得一馬沙邱中
躡雲逐景來自東惜哉往取人不識牡驪牝黃論異同
得精遺粗天機在存亡滅沒渾難窮惟樂知臯臯知馬
不然皮相無成功嗚呼一馬得失尙有數人生何處說
知遇千金市骨眞快哉天上房星且飛來

庖丁解牛

庖丁解牛十九年蹄角何止逾數千恢恢游刃有餘地
目中所見無一全是道也進乎技矣以之治國如烹鮮
惜哉文惠不及此但譚養生得真詮三代而後去古遠
強藩亂闖專威權激吳楚反召卓操癰潰大命隨不延
流放誅殛本德禮遵先王法無忘愆垂裳端拱臻上治
不參人爲惟任天萬載兵革不一試羣牛服輓安耕田
桑林經首事上帝博碩肥腩犧牲牲爲君則聖臣則賢
庖丁道可治天下文惠所見何眇焉莊生固是知道者
請質此語然不然

段貞女詩

段紀女趙文煇妻

烈女 夕成千古貞女百年歷寒暑從容慷慨分易難
同是水霜作肺腑拘牽文義儒生多未成爲婦將如何
由來議禮如聚訟正恐煨燼遺經訛段家女子趙家婦
洱水蒼山毓靈秀從一大義矢終身獨是何恤衆人否
自從貞德旌 天家高標綽楔輝雲霞大儒小儒舌
皆結雌黃不敢輕相加我作長歌付段子需貞女姪佳傳終
留待良史聞道同時還有人惜哉不及悉姓氏是時婦女以貞
烈節孝得旌者共四人

謝萬香海楹帖

韋誕冢藏蔡邕法鍾繇擗發乃得之古人死生殉一藝

如不相仇卽相師中山獵盡白毫兔燒松擣穀無休時
斤斤取足記名姓太傅骨朽空爾爲萬侯晚出百代下
典刑尙見中郎遺不書姬孔九經字則書聖神功德碑
通國雲來委車馬巨石壁立承龜螭書家臂腕始相稱
不枉三體工臨池愚民無端媚俗吏上官法令當逮治
老夫視如隔世事街巷談議猶傳疑究竟何足辱侯筆
孝廉右淇茂才古村更相私煌煌楹帖惹非笑地下且
解良朋荔扉頤君如陳遵好尺牘人家藏弄同自彞我
如魏野絕人世相公名刺留茅茨

懷謝石隴

不見三旬久詩中幾酒樓
佳人燕趙遠才子鳳麟優
李戴同饑渴昆華自挽留
盈樽還未罄何日一來遊

端午日

楚亡昔不悲屈迹今猶慟
九野皆湘潭愁波觸目動
龍舟百千丈龜魚互相送
綵縷颺絲輕角黍沈米重
忠魂不求食人自餽遺
衆離騷二十五風雅以播種
長令矢志人留身含淚
諷臣子既懸鵠詩文復折衷
奈何士大夫習久竟忘痛
騷雅無重生庸愚此同夢
悠悠者蒼天飛出白蟬
棘感傷易如我苜蒲酒欲空
泣涕沾衣巾盤殮且解纓

讀子產不毀鄉校頌

鄒馮不養晦汲汲求名高首善建橫舍講學心煩勞崔
魏竊國柄峻法叢蝟毛御史承風旨白晝肆山魃野獍
嫉祥麟芝蘭蔽蓬蒿小人於君子何能容一朝彼肉其
足食諸君固自招流禍及東林黨錮窮搜牢季世相漂
沒無裨庠序膠乃思鄉校游者亦歛歛不知慎言語
違恤執政驕成毀須臾間賴有仁人僞昌黎何所觸作
頌千載遙讀罷慨前季三歎風化澆我輩一何幸

今世文德昭九龍池以清五華山以高絃誦徹邊徼

天日歌

帝堯高顧應有知悔不生

聖朝

顏跖篇

姬文既已沒其道宣尼承弟子有子淵見知先閔曾死
後千萬年日月相升恆惜哉在當時廿二不少增炳炳
王佐才書卒弗書薨哀康經下問空以好學稱道術從
用舍世運緣廢興嗟嗟盜有道上壽終東陵

相國伯玉亭先生去滇賦送

亦知別有日不圖遽今朝南旋未一月官路何遙遙
駢向日立旌旆當風縹臨岐不能語仰天歎無聊

依依重關外折盡楊柳枝環輿淚盈把猶得望斯須
今夜瞻星象畢箕空離離三台近
帝座遠隔西南夷

休養十七載歲月不爲少南人願太奢百年親嘖笑昔
來原苦遲今去正嫌早挽留全無計 朝廷思元老

國家際上理四海熙如春昆華萬里外節鉞臨重臣安
老肉帛厚變士詩書醇未知古誰匹近今無此人

敷文振秀良奮武靖頑梗功勞不自居敬慎心耿耿鈴
閣詩味多榮庭棋聲永今日思昨日杳杳華胥境

紳也來田間迂疏類執拗百事不如人生年同丁卯遂
廁五華山東修羊旣飽文章翰衆工言語謝時巧

五華有明月萬里逐公去五華有清風亦復爲公御羈
愧風與月身心判兩處送行無言言贈處有好語

性情故如新道路遠殊邇此行竟不留我思曷能已祝
君率郎君左右 聖天子長白推世家敬信孝慈止
過九龍池訪戴古村不遇雨中歸來

韋柳遺詩境近在水雲際偶於閒暇時獨來盼朝霽菱
荷盈池香風清襲衣袂禾稻亦秀發盡作綠雲勢正使
酒家胡單衫不我貫倚徙楊柳岸好爲苦吟計所遇無
閒人高士門復閉賦歸日未晏雨聲入耳細

雨中懷李卽園

雨中涼意生人事少休息登樓一以望萬象入胸臆造
物啟詩域風雲與有九短髭及長眉脫斷自不惜惟念

我朋友未能展一席遠別歷寒暑近睽閱朝夕春秋期
百年難堪屢虛擲鯉魚騰尺波鴻鳥振雙翼詩至卽人
至願將羽鱗役道路汗泥多鞅轅慎行跡

九龍池看芙蓉花

芙蓉如美人翠海如明鏡熏香繡被初睡醒倩妝玉立
看不定水仙亭亭出波心欲取瑤琴彈好音情移不移
惜往日蓬壺縹渺樓船沈迴颺返櫂時既久乍見倩疑
此未有空中閃灼瓊瑤花玉女纖纖擎素手炫耀朝采
明斜暉含睇無語心不違葉底鴛鴦懶出浴枝間翡翠
驚翻飛我方經旬困人事日月奔馳軟紅地隄邊邂逅

雙眼開絕世天人暫遊戲是時小雨來東南綠楊碎影
垂深潭紛紛行客仗高笠疾走不立無與談我亦欲去
心繚繞風伯雨師暗中笑忘記醉傾碧筒杯舊年曾與
花有要春風荷錢不盈篋秋雨披離剩枯葉剛逢此日華
正敷木蘭爲舟桂爲楫越歌未發聽齊謳直待夜月西
北流一呼潛鮫鶴躍出珍珠淚落爭相酬人生行止固
偶爾游興無終亦無始清晨若逐車馬來辜負紅蘓淨
綠水不搗斗酒還小癡絳桃碧藕盈盤時燕子橋頭露
帘影雙鬟低唱誰家詩

枕上聽鳥

夢境初離人鳥聲到枕上乍聽若無與久乃識相貺元音在天地氣機一鼓盪盡是得意鳴有何不平狀良朋後時至詩壇此首唱偃仰遲下床開門爨烟颺

次日枕上又聽鳥

羣聲隔門戶喧啾不曾到樹頭此何鳥當臆赴夙約禽言我何知入耳卽投好談夢無後期說詩有先導好音世盡秘與爾相笑傲人生會心處在寂不在鬧從前了無得今茲始稍稍口占續昨吟不工恕將髦

題折蘆渡江圖

四望茫茫大江水不待舟楫渡者死高吟風人杭葦詩

游戲神通世無此畫家好手從何來揮霍絹素烟波開
安閒祇如面壁日江神不敢掀風雷長鼉大鼉縮頭顙
跋浪鯨魚自下上楓葉颯颯蘆花飛一行鴻雁共蕭爽
問師去來誰是非卽論佛法亦式微不忍犧牲忍骨肉
同泰空贖君王歸金仙重來又何補師故遲遲離東土
眉指心性經幾年瀕行竟被舟人侮昔年我曾題巨障
手攜隻履任蕩漾今朝却見雙狡狴一在雲霄一肩上
畫隱怪易中庸難聖賢凜凜冰淵寒若令衆史索形似
大家袖手從旁看濟川終須待舟楫多少征人病徒涉
此心更欲煩丹青寫一樓船萬行牒

乞巧吟

人世一乞場丈夫盡兒女乞巧不乞拙僥倖天孫與徵
信瓜果間蟻子小如許巧遂能過人侯王不我拒七夕
沿成風九州歲一舉渺渺銀漢秋耿耿牽牛渚世人自
趨巧天孫止拙處遥遥千萬年默默寂無語一言代相
寄乞靈別有所

題戴古村近詩後

是善言情戴古村懷生憶死輒銷魂懽愉月照他人屋
和暢風吹別處門爛醉酒杯還有恨雜燒詩草始無痕
秋來莫近蛩聲讀客夢淒涼哭鬼墻

李卽園楊嶰谷同來卽去月夜獨坐

不待明月來故人已偕去入門無與言鳥誰宿庭樹枝
稀欲辨影光輝早透露舉首望青天銀河在何處急柝
高城鳴疏鐘遠寺度清景若再失好詩不復遇曠懷千
載上秘省有佳句羊求今到家一夜爲誰賦

對月賦寄謝石臞戴古村

有情是明月相思卽相照白日未沈匿已早離海嶼化
作一樓水濯魄冰雪饒同心久留住若不他處到愧我
於友朋如隔千里道送酒祇獨斟投詩未卽報情長固
催老情短豈還少得句聊寄將知被明月笑

分賦得誦班婕妤團扇歌

新人艷如花故人萎如草中道一以乖恩情自不保間
疑前古風較量後代好及讀團扇歌婕妤歎息早飛燕
啄皇孫禍水滅爻火腐木植爲柱卑人立爲主當時辭
輦人冀幸君一悟歌成團扇悲情同擣素賦當暑驅虐
焰霜雪裁紈素但覺明月好誰料秋風妒收藏箝篋底
再用猶有時輕薄委道路懷袖棄如遺怨君妾不敢思
君君不知君心與妾意零落分東西妾心原不移君恩
難重顧一物何重輕恐君作事誤我欲續此曲此曲未
可續秋風爾不來團扇貴如玉

屠夢亭賢子來滇相見爲詩二首

丹山來雛鳳老鳳宛相如驚喜聞名處悲歡見面初
五年風雨後一夢醉醒餘真箇龐居士生天語不虛
若翁生絕俗乃肯顧庸流小序成來往新詩作贈投笑
言忘爾我唾罵及公侯今對春風藹嚴霜尙憶秋

戲和李卽園楊嶰谷曹瑤圃七夕詩

牽牛織女各西東歲歲懽愉七夕中天上佳期全不爽
都隨兒女謝天公

齊訴衷情耳語醲生愁天鼓曉襲襲人間乞巧底忙事
正用此時呼阿儂

乍看奕奕有光輝老眼無花見亦稀
欲向橋頭通一語恐驚烏鵲向南飛

河源萬古少波瀾不似人間行路難
臨別依然多鄭重歸來傳語報平安

隔河便似萬重山知道秋懷未易刪
若逐衆星如雨隕望夫慚愧石頭頑

長恐朱顏亦早彫一年一會悵迢迢
我援七日千年例莫是時時渡誰橋

塵緣偕老鳳鸞交終席畢輪難解
嘲十二萬年年一夕百年三倍未虛拋

富貴功名弱羽毛許多巧宦歎無聊送窮乞巧同遊戲
誤盡悠悠一世豪

瓜果新鮮燭影橫筵前仔細聽吹笙管他蟠子來多少
不爲些須眼暫明

詞客聯吟自不廉衰年才盡亦沾沾猛然想到黃河水
未忍風雲月露拈

借讀孟塗集竟却寄古村

波濤飛空失江海大魚上天小魚餒浸淫星辰清羲娥
羣靈不敢訴真宰詩才如此何英雄少難相師今已翁
上旁却喜古村子評騭羞作春雷同我讀戴詩舊不少

新見選樓百尺杪白甫愈郊識苦心賀島全义亦了了
孫髯壁立堂崩摧洞蛟放出頭顱來野僧咒多齒牙惜
廣長舌卷青蓮臺一時昭明待誰者前人後人幾上下
卽當抱卷求針砭恐有僞體襍風雅

古宅

年年歸社燕泥落舊雕梁易主鄰家屢安居此宅長四
圍喬木老一井古泉香併入先賢傳來游認里坊

古井

買訖庭前井曾經宋玉營一泉留漢楚萬古聚瓶罌後
代人誰唾當時客不爭波瀾會起未徹底正澄河

古塚

宰木摧傷盡鳥鳶亦不聊鬼神空寂寂風雨自蕭蕭
蟻國君臣古狐羣妾婦驕誌銘新出土賴得辨前朝

古碑

棺阿成土久碑石墓門留牧豎磨刀快蛟螭剝蘚愁
題各多後輩嗣爵半通侯文字誰諛汝無令讀者羞

古廟

荒山餘破廟鐘磬杳無存鼠噉神鬚短鴉鳴殿拱尊
乞兒眠白晝餓鬼出黃昏僻苦尋詩客何人一到門

古佛

骨立夕陽西烟雲四望迷詢人知是佛墮地看成泥生
滅心如一興衰理亦齊貪痴除不盡入夢尙栖栖

古社

老屋何昏黠淒淒感百神衣冠悲國社松柏泣鄉民佛
殿侵荒址巫祠結近鄰中宵陰雨合如見彼君臣

古鬼

是爲何代鬼詩唱六朝能趣味一何惡風流還自矜魅
人依草木求食忘昆仍若遇丹青手圖形醜可憎

古尊

清濁從人中聖賢農家酌酒瓦盆前常愁龍勺埋塵灰

豈意犧尊出土先秦漢形模嫌不古商周款識辨難全
時人位置休輕賤曾共雲臺上法筵

古鏡

肝膽空將照別人鬢眉猶自歎沈淪剖從井底雙魚腹
捉得天邊一月輪舊鑄江潭成五日曾畱宮殿閱先秦
心期萬古無圓缺永對菱花歲歲春

古劍

踴躍干邪古冶中流傳百代付英雄曾教嫗泣深山雨
幾度蛇腥大澤風一自化龍輕入水更無貫月怒飛虹
尋常劍鍊芝生徧誰與樓闌去立功

古研

拾取漳臺瓦亦稀文房後出是端溪中凹難混孔姬寶
旁刻還爭唐宋題最笑今人珍古研祇愁野鷺重家雞
較量頑石差多少且換村醪醉似泥

占帖

唐碑宋榻玉相如金石兼收及古初縱到模餽難辨處
都成絕妙可傳書絕山盜發埋藏後落水人輕性命餘
我輩萬錢求一紙裝成亦自弄茅居

古畫

古人傳處與書俱一畫何足繫有無欲爲後王昭法戒

留將故事作規模溪山著意添金碧花木勞心綴粉朱
瑣屑宣和亡國恨視同龍馬負河圖

夢張漢渡先生

八月六日夜

久別忽相見涕泣零秋雨離情百千種欲言無一語此
境如平生覺後添愁緒同是衰年人東南各分處精神
有會合雲山渺何所恐遂成死別無由互勞苦賦詩聊
紀夢他日知吾汝

題李卽園贈花仙詩後

問月終宵無一語芭蕉葉上驚風雨閒情寄到小遊仙
冉冉離魂舊倩女

柔情俠骨憐紅拂半似綠珠猶戀戀慣賦清平李謫仙
七言竟向瑤臺乞

立成和詩三十首情多解贈金魚否任城應記賀知章
百尺樓頭持換酒

極瘦腰肢自娉嬾殘雲殘雨來高閣無端小大吠花陰
緩控雙雙丹頂鶴

傾國千金買一笑玉鈎斜畔無人弔愁心一點冷螢知
夜半暗飛祇自照

樂府九家稱絕妙瑤宮仙史無同調花仙新上好頭銜
不枉卽園沈夕照

洞天深處神仙府
酒釀蟠桃酌鸚鵡
龍背好携雙玉瓶
鮑家自己澆墳土

桀鰲嬋娟兩絕倒
死王生士爲誰好
圓圓至竟得仙無
牕外不同花影到

生死佳人惜才子
弓鞬如月行還止
香魂過古井闌邊
可憶金釵斜墮水

子夜曲終偏懊惱
荒臺廢苑埋花草
美人黃土事尋常
也自傷心到杜老

白楊影外有殘墓
太息人間不知處
壁月瓊枝恨未銷
海棠花底蒼苔路

舊賦卽園海棠有曾是美人歌
舞處重將壁月照瓊枝之句

三千弱水無舟楫，且化莊周枕上蝶。一夜西堂夢不成。
秋風吹落梧桐葉。

次湖上韻

天女遺雲錦，蛟宮不敢存。入囊詩有價，展卷句無痕。第
覺秋烟淨，何知夕月昏。幾回湖上過，風雅愧專門。

又次湖上韻

塵緣久隔大羅天，欲泛滄溟少鐵船。消遣九龍池畔柳，
秋風搖落夕陽烟。

柔條往日漾晴曛，張緒風流渾不分。自讀子山枯樹賦，
更無心思惹春雲。

歷下城西水半湖
聯吟仙侶繪成圖
適來燕子橋邊過
欲寫秋光一字無

檢點鷺溪足
練微淡黃落葉抱雲飛
問君可憶錢塘路
陌上花開緩緩歸

又和韻

天衣無縫爛生光
不是南朝時世妝
玉樹後庭花亦艷
雲端送下換霓裳

風簾影動認仙來
七步詩成笑笨才
帶得天花隨筆落
香雲嬈嬈綴青苔

鄰家蘇小問東西
隔幾長隄與短隄
多少佳人消息斷

可憐十樣畫眉低

竹雨松風每閉門
閒看遊蟻戲槐根
與君同悟浮生夢
化作秋空片月魂

自卽園歸過湖心亭夜坐

湖水明於晝
歸途剩賦心
仙人何處去
我輩此間臨
載月菱荷淨
停雲鐘磬深
恐驚沙鳥夢
得句只低吟

中秋夜不見月作

今夜是何夜
月亦不肯明
酒亦不肯醉
詩亦不肯成
空堂張燈獨
太息雲馳雨
驟爾有力
滄溟何敢相
羈留
天上人間見
不得忽從羣
帝參翺翔
玉宸宮殿朝
玉皇鈞

天樂奏歌未央俯視明月在下方千里輪廓何堂堂大
瀛海畔失汪洋長鯨閉目羞不張驪龍領下珠無光乃
知兎蟾未終藏世人自低雙眼眶一寸地上頭空昂清
夢覺來費思量悔不抱將明月下水邊竹際飛玉笋胡
爲負此中秋夜

十六日夜仍不見月

年老悲秋易才衰負月多又經風雨夜無處問姮娥

十七日夜仍不見月

夜夜晶簾不上鉤前宵早擬賦瓊樓蒼龜竟厭人間瀆
蟾兎誰消我輩愁屈指下弦餘六日關心再望是三秋

詩懷酒興無聊賴，尙憶年年照白頭。

待月今宵世未聞，心如鼓竭欲張軍。可能乍鑑眞肝膽，直似常依好履裙。天氣祇知畱積雨，風聲不爲捲浮雲。縱令此際時相見，已覺清光減二分。

吹竹彈絲舊不堪，披風弄月素能諳。徘徊小苑更交二，躑躅空亭夜卜三。未信義娥分旦夕，羞言賓主盡東南。明宵正恐心癡甚，坐嘯沈沈百丈潭。

四更秋雨滿秋林，月自無心人有心。身倦欲眠仍獨坐，情多難遣且孤斟。茅廬何敢望三顧，竹徑終須祈一臨。若到鄰家華屋底，推門我亦去清吟。

九日謝石臞戴古村及黃象坤至

七旬風雨惡九日始新晴不忍登高去北望是

帝京

菊花久不開詩客還相訪畱待講堂閒青霄看月上

九日後登高詩古村語多妙悟愛而和之

中秋後見月自知非中秋九日後登高亦非九日佯遂
謂非登高遂謂非見月此語殊沾沾有酒便可罰君詩
多妙悟韋柳擬陶詩各言其所得何分今古時前日樓
下坐憂傷心如結不忍臨曲闌虛度重陽節卽園一悵
望四山青逼天恨不躡倒景飛上崑崙巔下視大九州

一磨旋羣蟻擾擾千萬年至竟何所止登高乃如此何
如前不登乾坤從闔闢羲舒任飛騰因思不見月相待
難爲夜見之百感生亦復多悲咤豈能遂不見夜夜歎
浮雲悲歡隨時易得酒且共醺不見月所同不登高所
獨計日古重陽與君更采菊

自九龍池歸坐中庭看月

池邊月送遊人歸敗荷枯葦皆光輝庭前月留歸人坐
槐根菊梢盡依依池月庭月何分別醉眼醒眼盡奇絕
積雨宿雲都埽開嫦娥爲補中秋節多情是愛團圓宜
亦恨望夜相見遲今宵未及十分滿當頭正在初更時

從此清吟至夜半，不愁漫漫何時旦。一語欲問月中人，
引商刻羽幾回換。

古重陽

隔絕層巒一水西，古重陽又雨淒淒。雲埋荒徑蛩聲杳，
秋老寒江雁影迷。少感舊懷人自健，無登高處我何低。
隱囊片响成幽夢，有句仙宮四壁題。

太谷行

陳侯麻衣出太谷，太谷之人壅城哭。陳侯錦衣來石屏，
太谷之人空縣迎。前行父老拜稽首，後隨小兒笑拍手。
高歌侯歸來，萬口如一口。侯家本在石屏住，太谷是侯

官處何云侯歸來樂山與我知其故樂山爲作并
州歌我作太谷歌如何陳侯聞歌笑不取太谷之人淚
如雨

岳忠武硯爲陳海樓明府

宋人好奇身不閒持斧直上羣玉山鑿開丹崖一百丈
斗太石卵傾其間閉門治石如治玉樨以爲硯斬遠俗
厥回可磨底可承差幸權奸免受辱流傳至今經幾年
爭貴欲出黃金千揮毫不妨半將泐著墨且喜全未穿
片石何由貴如此云惟忠武侯是以侯志穢敵揚戈矛
寧服區區費筆紙繚然餘事工詩文磨盾儘可張吾軍

書生尋常戲弄物丈夫肯與勞慙慙陳侯得自買人手
什襲視爲古希有一朝捧向空山中啟匣精光塞戶牖
五華下臨九龍池怪鱗異介頗不癡如聞星辰殞天上
張牙奮爪爭攫之老夫拔劍不爲下渠乃縮頭竄大野
雲霧斂盡天清明裁得開軒講風雅從來癖古發人笑
界唐畫宋究形肖購藏者誰投贈誰歛識缺完競耳剽
此硯云出商邱家忠武自銘毫不差疊山文山相繼作
蒼龍白虎紛相拏我聞西陂特鑿古剖析贗真慎棄取
其友秀水與新城一時騷壇推盟主文丞相有玉帶生
陸務觀有心太平兩公歌行絕千古十倍聲價逾連城

商邱既有此神物門屏注氣望蒸鬱瑤函遠寄瓊筵開
麒麟角筆掃塵埃漁洋集何無一言竹垞數字僅得存
後生小子嗟太晚婆娑歷代烟煤痕直將名之曰贗硯
正恐陳侯舌酣戰我輩重物先重人見岳家字早欣羨
格天閣中自多藏宰相狀元祗厚亡不假好秦假忠武
市兒眼亦知低昂漳臺瓦頭混漢壁阿瞞所作碎不惜
定軍山前倘僞爲失手墜地驚霹靂持此論古眞明通
誰歟鄭昭誰宋聳詩成焚香再拜起仰天浩歌滿江紅

題萬春田一漁圖

廉吏兒孫不救貧半生體粥懶依人風波平地經嘗透

尋得汀潭好結鄰

羊裘不著晚風寒
欲食鮮魚視釣竿
一夜悞人鈎落月
歸來空手笑相看

得魚持往酒家村
竹舍柴扉落日昏
換取濁醪人快意
羞他彈鋏孟嘗門

真箇漁舟住亦佳
畫圖強派作生涯
一回展卷一回笑
入夢蓴鱸風味差

家居城郭下臨湖
渺渺烟波似此圖
柳岸蘆汀來往易
他鄉還勝故鄉無

食糟魚謝戴古村

琴高控鯉飛上天鯉魚其大如樓船青天去地九萬里
江湖之樂心茫然望見酒星有宮殿酒氣醞釀成酒泉
乘風揚鬢一跳躍酣歌狂舞依星纏醉後却嫌小杯勺
竊取北斗天帝前天帝聞知懼且怒三垣失斗中無權
廿八宿將西向偏直隨日御沈虞淵推倒樓船下平地
鯉魚得酒神完全古村拾取九龍側請君入甕相周旋
今朝持送講堂後馨香四溢人流涎魚先我醉我後醉
醉矣高詠詩一篇走謝古村償得否忽憶騎鯨李青蓮

生日謝卽園諸友人

人生一百年其名日期頤賓客塞門巷車馬紛驅馳壺

楹各有物珠玉各有辭或云身康強或云子孫宜諷譽
正兼謫皆云祝繁釐百年不易得亦復時有之而乃煩
賓客僕僕稱觥爲自非麻木人感謝神難持况我未百
年率然懸弧時名園萃騷雅有類墳與簞颯颯清秋風
淡淡黃花籬飄飄紫鷲馭渺渺丹鳳騎仙也從何來賓
客咸驚疑仙凡本隔絕竟不相鄙夷手携雲錦段五色
光華垂上有雙元鶴口啣千年芝以延歲月鶴以著
羽儀好裁一品衣不稱田間披仙倡我且和我詩殊仙
詩如投太平酒報以村釀醪如聞鈞天奏間以牆空去聲
吹仙人笑不駐還與賓客嬉八風醉起舞翻倒紅玻璃

又二首

欲得長生飲太平仙廚煮爛肉芝英彭錢自愛人間住
不肖騎龍上玉京

大笑蹇人欲上天吟詩亦擬小游仙夢中望見圓羅耀
一夜丹房鬱紫烟

卽園生日分賦畫梅得先字

柱下不言藥漆園不言仙小知悲衆人大年匹彭錢上
古與楚南時亦多言詮無言眞消息轉在巖穴邊大鈞
運元氣百物歸陶甄羣卉自不力甘讓梅花先枝頭朔
風勁樹底寒冰堅其上萬古月皎皎凌霜懸一條入毫

素迹化爲雲烟以壽蟠根李紀年過百千綏桃及閻桂
屏息辭几筵徘徊笑歲暮屬句羞羣賢且持一瓢酒澆
花湖山前

壽倪進士梅岑母楊孺人

惟世有賢母然後有賢子富媪久珍惜金碧限萬里鬱
積始宣泄勃興象岡址象岡伏大賢名高身不仕懷古
夕陽下草堂蠹天起厥後乃繩武科第連轍軌自在
經世辭章夙所鄙豈有荆棘叢嘉木蔭杞梓未聞狐與
兔營窟產解薦枝茂根本深源浚派清水父祖旣元愷
母氏亦姬媼及今設悅日門閭氣盈紫裙布卻執素釵

荆勝簪珥令子知善養祿義復兼以他日循良聲赫奕
光乘史推恩本慈淑榮寵受帝祉子賢賢益章吾言非
諛羨西母夸長生空說青鳥使

屬謝君作畫

紅柳蕭疎菊澹黃潭西冷落舊雲房煩君拾取南山上
二柏森森四石強

雪

冷屋不成夢寒光夜入戶侵曉雙扉開雨雪一何溥清
興勃以發冰玉傾肺腑還憶田野間歡喜老農父無風
有杲日融濕麥下土明年可無憂飽食得生聚非無凍

死時鬼亦忘其苦遙望朱門中炭火擁歌舞爾歌我不
哭我食爾勿吐莫以一身歡而令衆目怒感此孤吟悲
茫然失揮麈問天雨雪意爲富爲貧

雪晴晚眺和謝石臞

江上羊裘歲月寬城頭鶴鬣羽毛殘時逢雪霽正爲瑞
身際年衰偏怯寒迴野樹連青靄出近天山作白雲看
高樓不共幽人上入夜飛檐滴水乾

雪殘寄石臞

不干人世只樓居大雪新晴快有餘殘後清名猶自在
積時佳氣更何如連朝卻酒詩難賦一醉成文句疾書

持問城東今小謝可能相從典龜魚

蕭韶亭學使同年死別多年矣昨宵忽夢以所著

書屬校刻視之皆有用書也覺而賦此

大羅風景散如烟幻夢欣逢舊日仙付校藏書將萬卷
思量任世可千年悠悠歲月誰能料潏潏雲山亦自傳
回首作圖持贈處梅花爲屋酒爲泉

見埽雪者

上天有竒想飛花幻六出落地皆瓊瑤五京聯爲一澗
澤徧農圃嘯歌到蓬華正使行路難僵卧亦歡溢擁篲
者何人埽除恐不疾無論及物功特書太史筆清輝絕

古今卽此足親睽落花尚留徑殘月且延室高曲讀屢
和冰絃共蕭瑟

題萬春田山水

嶺上有清風不傍俗人耳巖下有寒泉不近俗人齒俗
人爾何物風泉爲之恥高士廬其間澹然得名理橋邊
抱琴客時來空山裏白雪併紅葉萬古笑相視不向圖
中窺誰知黃與綺

頃卽園言梅花盛開矣風寒天欲雪未敢置酒相
邀也雨雪正尋梅時此語母乃相左因嘲以詩
然寄菴實怯寒且禁酒但欲賺得好詩耳卽園

莫誤會也

試圖貴人衣紫貂擁姬侍妾皆嬌嬈彈吹絲竹行酒肉
四圍歡炭紅光榻置之寒梅野園裏千竿竹箭一溪水
歌舞爲樂歡未央月落烏啼不知止試圖幽人停瘦驢
嶒嶒積雪埋茅廬敲門手凍響聲絕應客僕倦酣眠餘
有詩未題酒未煮一笑梅花早解語世間好事人許多
爲我知己只憐汝如斯二者原難同描寫景象惟求工
每飯不忘驢背客百身莫贖貂裘翁與君平生計已熟
怕見梅花落空谷如何南北枝齊開却爲雪風足雙縮
衰年意氣愁餽塗壯歲膽力方豪粗清樽冰凝好下咽

名滿玉潔堪成圖
圖可咽可何不可
梅花雪花恐相左
要令萬古知有君
亦使千秋知有我

孔雀屏

巒中有孔雀生長
在山巖朝見一禽
笑其陋暮見一鳥
啞其凡朝禽暮鳥
亦自恥未知鳳凰
可如此風吹雨落
孔雀山化爲毒水
流人間馬牛渴奔
飲不得照影空炫
金翠色晴天與日
鬥光彩僭越驕矜
惱眞宰下令虞人
斷若屋文綺包絡
入筐篚豪門十二
屏風開黃昏聞啼
孔雀鬼

五華諸友人爲陶達甫立墓碣感賦

片石可千秋才人此壠頭
彈鳶無骨肉下馬有交游
恩怨銷難盡風雲恨不休
四鄰雄鬼少龍耳更他求

赴卽園看梅花先寄以詩

欲尋梅花怯雨雪此人無
乃太癡絕我聞老樹空山中
百年森然挺高節清如志士
凝冰霜勁若神人鑄金鐵
花時塵埃幸埽聞不願風雲
一冬熱凌霄殿陞陳綠章
小臣區區乞凍折玉帝領首
憐乃心從此溪山限車轍
手皴肩聳吟詩翁大笑天公
爲我設平生我亦矜寒酸
恨不雪前釀麴蘖君不見梅
花樹下埋幽人明月中天

化青蠅

賦梅花同諸君子

梅花入夢何清癯羅浮月夜來仙姝當時詩人未同夢
獨唱誰和風騷孤清朝忽如跨黃鶴身隨寒香度高閣
冰容玉骨看分明又見詩人有佳作却憐何遜辭揚州
孤山處士埋荒邱天生此物無迹相但著人力難強求
遲迴倚遍滿園樹依舊苦吟未成句美人爲我呼凍禽
問訛好詩在何處

謝萬春田贈梅花畫幅

耳聞梅花輒夢想眼見梅花卽神爽折枝恨不連雲烟
移根猶自小益益我於餘花不如斯若論交游是朋黨

所惜開落憑東風。雨雪未能日來往。天生手腕如木椎。
通靈裁好馮形象。破空赤龍忽飛來。骨力騰凌氣遶土。
巨鱗長爪逆明珠。領下一顆大於掌。昆明萬頃光昭融。
何況五華室。函丈方今冬蟄那。有龍紅雨亂落春雷響。
心思變化非梅精。凡物定無此伎倆。再三退避還踴觀。
是好畫圖萬君餉。萬君於梅梅於龍。前身後身並無兩。
吟詩暫許雁脰低。飲酒常教皓首仰。

梧桐辭

墻東紀閨迥。生愁雁冷蟬寒。一樹秋辛。是麩薪燒不及。
倚根先築抱孫樓。

孫枝曾與作琴無近得家書說已枯夜夜石蟾頻下淚
回風吹上洗桐圖

樹下有石蟾蜍樓上有洗桐圖

祀竈辭

一城燈火光灼天三市爆竹聲相連是爲臘月廿三日
皆云竈神奏事天帝前盤有飴瓶有酒酒在唇飴在口
竈神嗜飲食使我一家大小富而壽秋之夕祀織女冬
之夜祀竈神織女天孫難告語竈神於我爲情親不爲
郭子儀則爲臧孫辰中書令大富貴世卿執政非賤貧
辰也祀竈兼寶龜魯國翁翁稱聖人後來又有衛彌子
食桃駕車煬竈門柰何哉奧也尊

卽園寄綠萼梅

看是梅花是雪花，仙人白鳳駕香車。來從十二玉樓處，
謫住尋常茅屋家。臨水精神同皓月，橫牕位置謝紅霞。
心知賦手多情思，折寄還將羽扇遮。

春花不稱舊銅餅，入土年深嗅古青。度閣沈沈如槁木，
捲簾落落是疎星。幾人倡和聲相應，與我周旋夢正醒。
忽報客來橫玉笛，穿雲裂石未堪聽。

次日對梅花再賦

破臘磨將快斧刀，詩人此際亦心勞。屈枝橫斫凍蛟臂，
碎瓣細裁寒鶴毛。邱壑深時無別物，風塵盡處有吾曹。

作圖不寫雪蓑樣仙侶齊披宮錦袍

詩者有用之物也而人以無用視之無用則棄棄則絕矣吾嘗於鬱怒時徵之方其泣血飲恨毗裂髮直之不可解也若一日苟活而不能者寄之於詩忽焉不知其何以冰消霧釋風止雹散矣夫詩固吾平日之國士疾病時之良醫也如之何其無用觀之也或曰有有用者有無用者則吾固未知或之所謂有用者非卽吾之所謂無用者乎或之所謂無用者非卽吾之所謂有用者乎有用無用本無定名而猥以是加詩也哉鈔庚辰詩旣竣因書此語於卷末除夕前

一
日

寄菴詩鈔續附

庚辰

四六